

Comunu de Quartu Sant' Aleni

Tzitadi Metropolitana de Casteddu

DELIBERATZIONI DE SA GIUNTA COMUNALI

Nùmeru 08 de su 19/01/2024

Ogetu: PARTENARIAU “EXME’ & AFFINI ONLUS” PO PROGETU PO PARAI FRONTI A SA POBURESA EDUCATIVA IN S'ÀMBITU DE SU PNRR 2024. ADESIONI.

S'annu 2024, s' 19 de su mesi de Gennaxu, a ora de is 12.10 in Quartu Sant'Aleni, in sa sala comunali, cunvocada cunforma a sa lei, s' est atobiada sa Giunta Comunali. Funt presentis is sennoris:

Sìndigu	Presenti
MILIA Graziano Ernesto	No
Assessoris	
SANNA Salvatore	Eja
CAMBONI Marco	Eja
CARTA Cinzia	Eja
COGONI Tiziana	Eja
CONTI Antonio Mauro	Eja
MANCA Barbara	Eja
PERRA Rossana	No
VANINI Aldo	Eja

Presentis: 7 Ausentis: 2

Pigat parti a sa setziada su Segretàriu Generali Maggio Paolo.

S'Assessori SANNA Salvatore ndi liat sa presidèntzia e, de chi at averiguau chi ddoi at su nùmeru legali, cumentzat sa setziada.

SA GIUNTA COMUNALI

Postu chi custu provedimentu est cunforma a is indiritzus de s'Aministratzioni e pruschetotu:

- a sa Deliberatzioni de su Consillu Comunali n. 114 de su 19.12.2023 chi at aprovau sa Nota de aggiornamentu DOCUMENTU ÒNICU DE PROGRAMATZIONI (DUP) 2024/2026 - ART. 170 c. 1 DE SU D.LGS. 267/2000;
- a sa Deliberatzioni de su Consillu Comunali n. 116 de su 19.12.2023 chi at aprovau su Bilàntziu de Previsioni Finanziàriu 2024/2026 e sa nota integrativa;
- a sa Deliberatzioni de sa Giunta Comunali n. 2 de su 05/01/2024 cun su: "Pianu Esecutivu de Gestioni (PEG) 2024/2026";
- a sa Deliberatzioni de Giunta Comunali n. 25 de su 01.02.2023 cun: "Aprovatzioni Pianu Integrau de Atividade e Organizatzioni (PIAO) Tres Annus 2023/2025";

Biu s'Avisu Pùblicu de su Ministeru de sa Coesioni Territoriali po sa presentatzioni de propostas de interventu po sa seletzioni de progetus sòtziu-educativus contras a sa poburesa educativa in s'itàlia de Mesania a sustennu de su de Tres Setoris de finanziaia in s'àmbitu de su PNRR, Missioni 5 – Cumponenti 3 – Investimentu 3 Interventus sòtziu-educativus - NextGenerationEU –annualidadì 2024;

Cunsiderau chi s'Avisu punnat a cumentzai una protzedura a sportellu po sa cuntzessioni de contributus destinaus a interventus sòtziu-educativus po cumbati sa poburesa educativa in is Regionis de Mesania, afortiendi is servìtzios sòtziu educativus a favoris de is minoris de edadi, finantziendi iniziativas de su de Tres Setoris;

Bida sa nota registrada in su prot. n. 102678 in dii 20/12/2023 trasmitia de sa Exmè & Affini ONLUS, chi at comunicau ca bolit pigai parti cun sa presentatzioni de unu progetu, a s' Avisu Pùblicu arremonau in susu, e at pediu finas s'adesioni a su partenariu de su Comunu de Quartu Sant'Aleni a su Progetu;

Postu chi sa proposta progetuali chi ddi nant "Io P.O.S.S.O. (*Percorsi di Orientamento, Socialità, Salute, Occupazione*)" est a favoris de n. 120 minoris de edadi in situatzioni de debilesa, sinnalaus de is comunidadi po minoris de su Territòriu, de is Servìtzios Sotzialis de is comunus chi ndi pigant parti e de s'USSM. Mirat a promovi e amellorai s'offerta formativa po mèdiu de percursus formativus complementaris a is progetus traditzionalis po cuncontrastai s'abandonu scolàsticu e su fenòmenu de is NEET, aici puru a aprontai atzionis po torrai a acostai is picocus a su stùdiu o chi presentant arriscu de dispersioni scolàstica e formativa;

Pigau atu chi s'adesioni a s'iniziativa no ocasionat gastus de parti de s'Aministratzioni;

Cunsiderau ca s'Aministratzioni comunali bolit promovi is iniziativas de sa Scheda Progetu, chi ponit in allegau a custa deliberatzioni etotu;

Cunsiderau chi serbit a cumentzai is protzeduras po s'adesioni a su partenariu cun Exmè & Affini ONLUS, ca su bandu est in scadèntzia su 24/01/2024, po mèdiu de sa registratzioni de s'Enti a sa Prataforma de su Ministeru "bandi.agenziacoesione.gov.it".

Bida sa proposta de deliberatzioni n.11 de su 16/01/2024, de su Setori 6 Políticas Sotzialis e

Generatzionalis, po s'argumentu in ogetu;

Arriciu, cunforma a is Artìculus 49 e 147bis de su D.Lgs. 18/08/00 n. 267, su parri a favori de su Dirigenti de su Setori 6 Polìticas Sotzialis e Generatzionalis;

Donau atu, finas , chi s'est arriciu parri de cunformidadi aministrativa, a is leis, a su Statutu e a is Regulamentus cunforma a s'art.97, c.2, de su D.Lgs n. 267/00, e a s'art. 4, c.4, de su Regulamentu Comunali asuba de is controllus internus, de parti de su Segretàriu Generali;

Bius:

- su D. Lgs. 267/2000, Testu ùnicu de is Entis Localis;
- su Statutu Comunali.

Cun votatzioni a favori.

DELÌBERAT

De donai atu chi su Comunu de Quartu Sant'Aleni torrat sceda a favori a sa rechesta presentada de Exmè & Affini ONLUS, de adesioni a su Progetu po aprontai interventus sòtziu-educativus po parai fronti a sa poburesa educativa in is Regionis de Mesania de Itàlia cunforma a s'Avisu Pùblicu de su Ministeru de sa Coesioni Territoriali arremonau in susu, po mèdiu de registratzioni a sa Prataforma de su Ministeru "bandi.agenziacoesione.gov.it";

De trasmiti custa deliberatzioni a sa Dirigenti de su Setori Polìticas Sotzialis e Generatzionalis, po is providementus chi ddi pertocant;

De decrarai cun votatzioni a totòmini chi custa deliberatzioni est esecutiva luegus etotu, cunforma a s' art. 134, puntu 4, de su D.Lgs. 18 de austu 2000, n. 267.